

დ ე ბ უ ლ ე ბ ა

1. ზოგადი დებულებანი

- 1.1. საქართველოს ტექნიკური უნივერსიტეტის –სამხედრო-სამობილიზაციო სექტორი წარმოადგენს საქართველოს ტექნიკური უნივერსიტეტის ადმინისტრაციის დამხმარე სტრუქტურულ ერთეულს, რომელიც თავის საქმიანობას წარმართავს საქართველოს კონსტიტუციის, „უმაღლესი განათლების შესახებ“ საქართველოს კანონის, „სამხედრო ვალდებულებისა და სამხედრო სამსახურის შესახებ“ საქართველოს კანონის, საქართველოს კანონის „ მობილიზაციის შესახებ“, კანონით „ სახელმწიფო საიდუმლოების შესახებ“,“დებულებით „მოქალაქეთა სამხედრო აღრიცხვის“ შესახებ ,საქართველოს ტექნიკური უნივერსიტეტის წესდების, ამ დებულებისა და საქართველოს მოქმედი კანონმდებლობის შესაბამისად.
- 1.2. დებულება განსაზღვრავს სამხედრო-სამობილიზაციო სექტორის ფუნქციებსა და საქმიანობის ძირითად მიმართულებებს.

ფუნქციები

--სამხედრო აღრიცხვის ხაზით:

- უზრუნველყოს რეზერვისტთა და წვევამდელთა ზუსტი და სრულყოფილი აღრიცხვა საქართველოს თავდაცვის სამინისტროსა და სტატისტიკის სახელმწიფო დეპარტამენტის მიერ დადგენილი წესებისა და ფორმების მიხედვით;
- სისტემატიურად შეუდაროს სტუდენტთა პირადი ბარათების მონაცემები რეზერვისტთა სამხედრო ბილეთებსა და წვევამდელთა მიწერის მოწმობების ჩანაწერებს, ყოველწლიურად წარუდგინოს ისინი ადგილობრივი მმართველობის სამხედრო განყოფილებებს სამხედრო-სააღრიცხვო მონაცემების შედარებისათვის;

- განახორციელოს რეზერვისტთა და წვევამდელთა ოჯახური მდგომარეობის, საცხოვრებელი ადგილის მისამართების, სამსახურებრივი მდგომარეობის, საერთო განათლების ცვლილებათა სისტემატური აღრიცხვა; აღნიშნული ცვლილებები 7 დღეში შეიტანოს პირად ბარათებში(ტ—2) და აცნობოს ეს შესაბამის ადგილობრივი მმართველობის სამხედრო განყოფილებებს;
- დროულად გააფორმოს მუშა-მოსამსახურეების, საინჟინრო-ტექნიკური და კვალიფიკაციური მუშაკების რეზერვისტთა დაჯავშნა საქართველოს ეკონომიკისათვის მობილიზაციისა და ომიანობის პერიოდში;
- 10 დღეში აცნობოს შესაბამისი რაიონის ადგილობრივი მმართველობის სამხედრო განყოფილებებს სამუშაოზე ახლად მიღებულ და სამსახურიდან დათხოვნილ რეზერვისტთა და წვევამდელთა შესახებ;
- რეზერვისტთა და წვევამდელთა უნივერსიტეტში მიღების დროს შეამოწმოს მათი სამხედრო-სააღრიცხვო დოკუმენტაცია (რეზერვისტებს--სამხედრო ბილეთი ან დროებითი მოწმობა, ხოლო წვევამდელს-- მიწერის მიწმობა), დაადგინოს იმყოფებიან თუ არა ისინი სამხედრო აღრიცხვაზე.
რეზერვისტები და წვევამდელები, რომლებიც არ იმყოფებიან სამხედრო აღრიცხვაზე, სასწავლებლად მიიღებიან მხოლოდ საცხოვრებელი ადგილის მიხედვით სამხედრო აღრიცხვის შემდეგ;
- ცნობების მომზადება თავდაცვისა და განათლების სამინისტროების მიერ დამტკიცებული ფორმის მიხედვით და მათი წარდგენა ადგილობრივი მმართველობის სამხედრო განყოფილებებში უნივერსიტეტში ჩარიცხულ, სხვა სასწავლებელში სასწავლებლად გადასულ ან გარიცხულ რეზერვისტთა და წვევამდელთა შესახებ(ფორმა—2);
- სტუდენტ რეზერვისტთა და წვევამდელთა პირად ბარათებში (ტ—2) მონაცემთა შეტანა კერსიდან კურსზე გადაყვანის, ფაკულტეტის ან სპეციალობის, ჯგუფის შეცვლის, კურსზე დარჩენის, უნივერსიტეტიდან გარიცხვის, აღდგენის, უნივერსიტეტის დამთავრების შესახებ.
- ცნობების მომზადება, რეგისტრაცია და გაცემა იმ სტუდენტებზე, რომლებმაც სამხედრო კათედრაზე ისწავლეს ერთი, ორი ან სამი სემესტრის განმავლობაში;
- კათედრაგავლილ სტუდენტთა პირადი საქმეების ადგილობრივი მმართველობის სამხედრო განყოფილებებში გაგზავნის და სამხედრო წოდების მინიჭების შესახებ ცნობების მომზადება;

- სამხედრო ფიცის მიღების ორგანიზება იმ კურსდამთავრებულებისაგან, რომელთაც სამხედრო კათედრა ჩაეთვალიდა გავლილად;
- სამსახურში შემოსულ დოკუმენტაციაზე მუშაობა, სხვადასხვა ორგანიზაციებსა და უწყებებში გასაგზავნი წერილებისა და დოკუმენტების, საუნივერსიტეტო ბრძანებების მომზადება;
- ეროვნული გვარდიის დეპარტამენტთან ერთად რეზერვისტთა სიების შემოწმება, მათი აღრიცხვიანობა, ინფორმირება, გაცვევის ორგანიზება;

თავდაცვის სფერო:

- საიდუმლოების ინფორმაციის შემცველი მასალები სამეცნიერო-კვლევითი სამუშაოების შესახებ, რომლებიც ეხება საბრძოლო ტექნიკისა და თავდაცვითი ტექნოლოგიების შემუშავებას;
- სამხედრო ტექნიკისა და შეიარაღების დარგში აღმოჩენებს, გამოგონებებს, სამეცნიერო-კვლევით და იმ სამუშაოთა შესახებ, რომლებიც სრულდება ქვეყნის თავდაცვის ინტერესებისათვის და აქვს სამხედრო მნიშვნელობა, ამ სამუშაოთა დაფინანსებისა და მატერიალურ-ტექნიკური უზრუნველყოფის შესახებ, ამ საქმიანობაში კონკრეტული პირების მინაწილეობის შესახებ;
- დახურული სამეცნიერო საბჭოების, განყოფილებების, ლაბორატორიების შესახებ;
- სამოქალაქო თავდაცვის მზადყოფნის ღონისძიებათა შესახებ;
- მონაცემები საფრენი საშუალებების ,ავიაძრავების რაოდენობის, ტექნიკური მდგომარეობის შესახებ;
- მონაცემები მფრინავთა და საინჟინრო-ტექნიკური შემადგენლობის რაოდენობისა და პ/შემადგენლობის შესახებ

სამობილიზაციო ხასიათის ცნობები :

- ცნობები უნივერსიტეტში ომის დროისათვის განკუთვნილი ფორმირებების (საავიაციო, სატრანსპორტო, სამედიცინო-სანიტარული მომსახურებისა და სხვა ფორმირებების) შესახებ;
- ინფორმაციები სამხედრო აღრიცხვაზე მყოფ სამხედროგაღებულთა კრებისთი მონაცემების შესახებ;

- ინფორმაციის შემცველი მასალების სამეცნიერო-კვლევითი სამუშაოების შესახებ, რომლებიც ეხება ახალი სახეობის სამხედრო იარაღის, საბრძოლო ტექნიკისა და თავდაცვითი ტექნოლოგიების შემუშავებას;
- ცნობები სამხედრო ტექნიკისა და შეიარაღების დარგში აღმოჩენების გამოგონებების, სამეცნიერო-კვლევითი და იმ სამუშაოთა შესახებ, რომლებიც დაგეგმილია ან სრულდება ქვეყნის თავდაცვის ინტერესებისათვის და აქვს სამხედრო მნიშვნელობა;
- ცნობები, რომლებიც ამჟღავნებენ მეცნიერებისა და ტექნიკის უახლესი მიღწევების არსს;
- ცნობები სამოქალაქო თავდაცვის მზადყოფნის ხარისხზე; სამოქალაქო თავდაცვის პირველ და მეორე რიგში განსახორციელებელ ღონისძიებათა შესახებ;
- შიდასატელეფონო კავშირის საკაბელო ქსელის სქემები;

საგარეო ურთიერთობათა სფერო:

- ცნობები უცხო სახელმწიფოებთან სამხედრო, სამეცნიერო-ტექნიკური და სხვა სახის თანამშრომლობის საკითხების შესახებ, თუ მათმა გამჟღავნებამ შეიძლება ზიანი მიაყენოს საქართველოს ინტერესებს;
- ცნობები სამხედრო გამოგონებებსა და საწარმოო საიდუმლოებებზე, რომლებიც ჩვენს მიერ გადაეცა ან მიეყიდა უცხოეთის ხელისუფალთ, ორგანიზაციებსა და ცალკეულ პირებს;
- ცნობები გასაყიდად ან შესაძენად გამოზნულ ლიცენზიების, ტექნოლოგიური პროცესების ტექნიკური დოკუმენტაციის შესახებ;

ნ უ ს ხ ა

იმ თანამდებობის პირებისა, რომლებიც უფლებამოსილნი არიან გასცენ სახელმწიფო საიდუმლოების შემცველ ინფორმაციასთან დაშვების უფლება;

1. უნივერსიტეტის რექტორი (მოვალეობის შემსრულებელი)

ნ უ ს ხ ა

იმ თანამდებობის პირებისა, რომელთაც აქვთ სახელმწიფო საიდუმლოებისათვის კონკრეტული ინფორმაციის მიკუთვნების უფლება

1. სახელმწიფო საიდუმლოების მფლობელი სასწავლებლის, სამეცნიერო დაწესებულების ხელმძღვანელი, მისი მოადგილეები;
2. საიდუმლი თემატიკაზე მომუშავე ქვედანაყოფის უფროსები, მათი მოადგილეები;
3. უნივერსიტეტის სამხედრო-სამობილიზაციო სექტორის უფროსი;

მოვალეობანი მობილიზაციის კანონის უზრუნველსაყოფათ

- ორგანიზაცია გაეწიოს და განახორციელოს სამობილიზაციო მზადყოფნის უზრუნველყოფის ღონისძიებებს;

- მობილიზაციისათვის მზადყოფნისა და მობილიზაციის დროს დანიშნოს ცალკეული მუშაკები სამობილიზაციო ამოცანების შესასრულებლად;
- დაამუშაოს მობილიზაციის გეგმები უნივერსიტეტის უფლებამოსილებათა ფარგლებში;
- დაჯავშნოს უნივერსიტეტის პროფესორ-მასწავლებლები, სტუდენტები და მუშა – მოსამსახურეები (ვიზედაც ვრცელდება დაჯავშნა) და გააკონტროლოს სათანადო ვადების დაცვა.
- მჭიდრო კავშირი იქონიოს ადგილობრივი მმართველობის სამხედრო და თავდაცვის სამინისტროს სამობილიზაციო განყოფილებებთან, უნივერსიტეტის ფაკულტეტებთან;
- კონტროლი განახორციელოს რათა დროულად შესრულდეს წვევამდელთა და სამხედროვადღებულთა შესახებ მთავრობის დადგენილებები და მითითებები;

3. სექტორის სტრუქტურა

- 3.1. სექტორს ხელმძღვანელობს სექტორის უფროსი.
- 3.2. სექტორში სპეციალისტების რაოდენობა განისაზღვრება სტუ-ს წარმომადგენლობითი საბჭოს მიერ დამტკიცებული სტრუქტურის შესაბამისად.
- 3.3. სექტორის თანამშრომლებს თანამდებობაზე ნიშნავს და თანამდებობიდან ათავისუფლებს ადმინისტრაციის ხელმძღვანელი;
- 3.4. სექტორის უფროსი ანგარიშვადღებულია სტუ-ს რექტორისა და ადმინისტრაციის ხელმძღვანელის წინაშე.

4. დასკვნითი დებულებები

- 4.1 დებულება ძალაშია სტუ-ს წარმომადგენლობითი საბჭოს მიერ მისი დამტკიცების მომენტიდან.
- 4.2. დებულება ძალას კარგავს ახალი დებულების დამტკიცების ან და სექტორის ლიკვიდაციის შემთხვევაში.

